



দ্বিতীয় অধ্যায়

কুফর ও শিরক প্রসঙ্গ এবং খানবী সাহেবের ফিরিস্তি

বেহেস্তী জেওর :

كفر و شرك کی باتوں کا بیان

“কুফরী ও শিরকী কাজের বর্ণনা”

সংশোধন :

আশরাফ আলী খানবী সাহেব কুফর ও শিরক অধ্যায়ে বেহেস্তী জেওর ১ম খন্ড ৩৯ পৃষ্ঠায় অনেকগুলো কাজকে কুফর ও শিরক-এর অন্তর্ভুক্ত করেছেন। যেমন :

- ১) কারও নামে নজর নেয়াজ দেওয়া।
- ২) কারও নিকট সাহায্য প্রার্থনা করা, মকসুদ পূরণের জন্য প্রার্থনা করা, রিজিক ও সন্তান চাওয়া ইত্যাদি।
- ৩) কারও নামে পশু জবাই করা।
- ৪) সাহায্যের উদ্দেশ্যে কাউকে ডাকা।
- ৫) কাউকে কল্যাণ বা অকল্যাণকারী মনে করা এবং মন-মকসুদ পূরণকারী বলে বিশ্বাস করা।
- ৬) কোন স্থানের আদব ও সম্মান করা।
- ৭। আবদুল্লবী ইত্যাদি নাম রাখা। ---- ইত্যাদি ইত্যাদি।

আশরাফ আলী খানবী উপরোক্ত বিষয়গুলোকে ইসমাইল দেহলভীর অনুকরণে শিরক ও কুফর সাব্যস্ত করেছেন। বরং ইসমাইল দেহলভীর কথাগুলোকেই তিনি সংক্ষিপ্ত আকারে শব্দ পরিবর্তন করে বেহেস্তী জেওরে লিখেছেন। অথচ এগুলো কখনও শিরক বা কুফর নয়। সংশোধনের লক্ষ্যে ইসমাইল দেহলভীর লিখিত “তাকভিয়াতুল ঈমান” -- এ বর্ণিত কুফর ও শিরকের বিস্তারিত বর্ণনার অনুবাদ আগে উল্লেখ করা প্রয়োজন। তাহলেই দেখা যাবে- আশরাফ আলী খানবী সাহেব অন্ধভাবে ইসমাইল দেহলভীকে কিভাবে অনুকরণ করেছেন এবং বেহেস্তী জেওর কিতাবখানা যে তাকভিয়াতুল ঈমানেরই সংক্ষিপ্ত সার, তাও পরিস্ফুট হয়ে উঠবে।